



الشاعر

أيسم فياله

عضو نقابة اتحاد كتاب مصر
محاضر مركزي
مؤسس نادي أدب كوم حمادة
مؤسس ورئيس صالون
إبداعات مدينة النور

أنا العربي

أنا الشجر اللي قبل ربيع
بيتزّين وي طرح ورد
وأنا النخل اللي لّمّا يميل
بيبقى عشان يصلي الفرض
وأنا النور اللي حاضن نور
إيمان قبل الزمان امتد
م أنا الجدر الأصيل ف الأرض
غصوني ف السما طالعة
أنا صوت التاريخ بيشق

ودان لو حتى مش سامعة
أنا العلم اللي قبل العلم
وأرضي للعلوم جامعة
وأنا وسط الضلام شمعة
بتدّي الضي ما تخبي
علّيّ الدنيا بتشاور
ونور عنده الجميع يحيي
م أنا العربي
وما أدراك ما العربي
على يميني الخليج ساكن
على شمالي المحيط ساكن
وأنا الفاتح إيدين حاضن
تراب وطني يمين وشمال
ما فيش أبدا قُصادي مُحال
ولا الترحال
ف يوم يقدر يخليني
على وطني أكون جاحد

دا عمر البعد ما يباعد
ما بين شرايين جسد واحد
كيان واحد
بنعبد ربنا الواحد
ونصنع مجد للإنسان
كويت بحرين قطر إمارات
يمن سعودية أو لبنان
وسوريا عراق مع الأردن
مع فلسطين ف حُضن عُمان
ومن جزر القمر لصومال
لموريتانيا جيبوتي سودان
جزائر ليبيا والمغرب
مع تونس ورود بستان
ولو حس الجميع بالخوف
بيلقوا ف مصر حُضن أمان
تاريخ قبل التاريخ بزمان
وطن غالي وتراب غالي

ما نقبلشي الخضوع والذل
تملي رايتنا ف العالي
وقوتنا ف وحدتنا
ما بنردش غريب سائل
ونفتح بالكرم بيتنا
ما فيش مره نتفرّق
دفانا ف حزن لمتنا
ولو أيا منا بعدتنا
صلاة العيد بتجمعنا
لأعلى مكان بترفعنا
وحب الله يوصلنا
ما يوصل للمكان غيرنا
ولا شرقي
ولا غربي
أنا العربي